

武鄉縣誌

民國十六年六月

香江新報

張揚祚題



武鄉新志序



粵稽周禮土訓誦訓掌道地圖方志小史外史掌邦國四方之志想當時千八百國其疆域山川方俗物產諸類莫不博訪周諮備載方策自秦廢封建改郡縣後世始有郡縣志書之纂輯其淵源蓋昉於周官今之邑即古之國也溯故實於志乘成憲俱在前代遺蹟係後代之觀感先進懿行即後進之模範寧可不彙集成帙而聽文化其湮沒耶考武鄉古稱豐州本漢涅氏縣地邑治則枕鞞面漳包羅宏秀峯巒聳峙爲上黨之門戶河流環繞實三晉之巖邑亦形勢險要之區域也民國十有六年夏六月余奉晉綏總司令命來宰是邦入境問俗得悉士食舊德農服先疇即縉紳望族亦多務實學而黜浮華從無以食膏粱依文繡相誇耀者唐俗勤儉於此爲最私心自計竊喜風猶近古治理較易得以少藏予拙也接篆後披閱邑志宏綱細目班班可考一邑文獻信足取徵與成周設官分職注重圖志之意無甚區別惟自前清光緒五年經縣令吳公書年督修後迄今已四十餘載專制共和政體雖有變更而其間吏治民生文章節義可以昭示來茲維持道德倫理於不做者初不隨時勢爲轉移補綴未遑實爲曠典

武鄉新志

卷首序

一

邑紳段公公甫係前浮山縣知事與予家嚴爲壬寅科鄉試同年曾屢次提議續修卒以事繁費絀有志未遂余蒞任後又適值軍書旁午之秋支差籌餉時無暇晷而公亦在家養病未獲再申前議及予遵父命往省時已病劇猶以兇爲其難見嘔盛意可感良用歎然茲幸軍事告終時和年豐假武修文時不可失遂邀集公歿局經理魏紳筱山等開會協議詢謀僉同當即選聘碩學宿儒招撫故實討論修飾其經費由予籌措並爲之手訂凡例以定標準凡有關風化者皆踵事而增編其車涉迷信者胥屏棄而不錄主義取乎嚴格思激濁而揚清記載徵之輿論必循名以核實而邑之諸士紳且均能純盡義務共襄盛舉互相採訪不辭風塵跋涉之勞按例編輯分任傳表考畧之責自本年五月開始肇修至十一月末而歲事稿將付印諸紳士請予審定並爲文以叙之閱畢復掩卷深思曰此志告成實修己治人之龜鑑稽古維新因革損益庶幾行政有所依據可爲補闕之一種官箴惟學識陋簿書鞅掌但期實事求是傳信將來以副內政部飭編鄉土誌籍保存文化切令聊備一邑之掌故幸矣若有筆漏不備之處尙祈廣續而較正之是所望於後之來守斯土者

民國十七年十一月知武鄉縣事曲垣張揚祚撰於縣政府

武鄉新志

卷首序

武鄉新志序

予嘗讀王阮亭蠶尾集有云前明郡邑之誌不啻充棟而文簡事覈訓詞爾雅無如康對山誌武功云云以其猶黃圖泐錄之遺焉後得斯志而讀之方知以史爲志其義法之精深體例之微密簡而有體質而彌文雖畧畧七篇實勝他之鴻文鉅製者是誠紀載之極軌志乘之標則也我邑縣志素列上乘士林稱善惟以修輯有年非翻刻有亥豕魚魯之誤即革新生風俗制度之變時局遞嬗人文代謝若長此不修將何以資借鏡而勸來茲爾時遂有以此爲藍本而重修邑乘之志泊於法校卒業先教授國文於八中後濫竽法界於河東南北壯遊未遑及此今春官紳倡此盛舉適獲我心乃又以薄宦羈身未能與焉事與願違可爲浩歎者也然夙願雖違而人之好善誰不如我諒諸君子必有與我同心者凡所紀載自能悉關國計民生人心風尚且述善惡以寓勸懲明賞罰以資觀感扶世教正禮俗確乎可傳事固不必自爲也今志將成不日付梓既愧未襄盛舉兼以雀角紛繁惟於百忙中率爾操觚以明宿願而已至其顛末義例已具詳於諸執事序中矣故第識予之志如此云

武鄉新志

卷首序

三

中華民國十七年桂月南亭學士金聲李振璿序於運城山西高等法院第一分院書記官長室

武鄉新志序

丁卯夏垣曲 張公耀銘來宰吾邑以揮絃製錦之才肩治劇理煩之任甫越一載而政平訟理百廢具舉乃計及邑志之修亦守土者之要務謀諸邑紳咸有同心爰是開局肇修邀集英耆分門別類各任厥職余忝一日之長亦濫廁其間方愧學殖荒落老邁無能於斯舉無所表見奚容叙爲顧感 縣長振興之力諸君服務之勞一邑文獻所關俾衰朽之人得及身而觀厥成何幸如之因不揣譎劣贅數言以殿諸公之後竊維今之邑志即他年國史之資我武邑志之修前不具論清康熙乾隆間高白兩公修之者再爾時國家鼎盛人文蔚起賢令尹之宦蹟諸大老之勳名炳炳烺烺足以壯河山而耀史策光緒末葉亦有續志之刻雖運會所趨官師人物稍不逮前而言典事核亦實錄也今者國體變更咸與維新同一事也在昔爲君主在今爲民權同一職也在昔爲部銓在今爲選舉革故鼎新文明日進操觚者際新舊絕續之交載數十年異同之事修之殊非易易然舊者仍其舊宦途之職銜士子之科名舊也而不能入於新新者從其新信教之自由畢業之等級新也而不能入於舊此非故爲異實不能強爲同

武鄉新志

卷首序

四

他若山川之流峙關隘之險固綱常名教之重大忠孝節義之表揚則歷萬世而常昭固無所謂舊亦無所謂新悉載之以餉來者綜古今之異求名實之同以示羊存之義云斯役也 明府主持於上諸賢贊助於下而著述之多筆削之勞以魏君柳塘爲最其果準酌盡美抑或不無疵謬則以俟兼三長者之論定焉豈余區區所能見及也哉
中華民國十七年十二月 日八旬老人郝世楨翰周氏謹叙

武鄉新志序

觀文化之變遷考政治之得失察民生之豐耗審種類之盛衰此國史之爲用也邑志非史而實史之權輿紀一方之掌故用備輶軒之探微志其孰與歸此所以自郡國之書托始宋漢而後世志乘之作遂徧於各郡邑也武志昉自明末入清一修於順治乙酉再修於康熙壬申三修於乾隆庚戌至光緒己卯又一修焉惟己卯之役僅續修而非重修雖繼往開來厥功云懋然性質既非獨立體例遂欠完備閱者每以爲憾且自己卯至今又五十年矣非特景物之消長風會之轉移因時乘除今昔殊觀而國體改革又爲我國歷史上數十年來絕大之關鍵興革損益萬緒千端則邑志之修非尤有不容緩者哉第言修亦難矣重修則才力不逮恐蓋前人之美踵增則一再割裂難免識者之謂倘非折衷盡善將何以彰既往而示來茲民國十六年夏垣曲張公耀銘來宰斯邑越明年政通人和百廢俱舉睹邑志之凋殘痛文獻之無徵慨然思有以修之特邀集紳耆相與籌議決定上承舊志從事廣續凡載之舊志者不更移易其見諸續志者則與近五十年中之遺聞軼事融彙於篇爰督士紳等博採廣搜分任共訂凡六

武鄉新志

卷首序

五

閱月而獻事斯志也取材略同前賢軌轍猶在體制謹依新例爐竈重更異日鏡梓既成合舊志而爲帙統觀則首尾銜接分閱亦體例悉備較之隨類湊補者不相侔矣雖綴拾編次不盡出張公之手繼謬舛漏在所不免然拾遺振湮守先待後後之君子其有起而裒彙之者吾知其不得不假徑於此矣乃或者曰方今烽煙未靖爲政者方憂國憂民之不暇亦安事此不急之務爲不知海內承平之日武備固不容或忘國家多事之秋文事亦何可偏廢若以一邑之典章文物聽其淪沒而不之顧年湮代遠杞宋無徵異日反而求之不已成一不可補救之缺憾也歟茲者斯志告成之會正北伐成功之時偃武修文之政行將實現於目前歡騰鼓舞而爲中華民國慶者不當兼爲斯志慶乎釋不敏忝附編輯之末謹於名宦名賢文儒諸傳略効綿薄訛謬滿紙愧也何如惟得與諸君子共觀厥成亦一幸事將付手民爲述其槩如此民國十七年十一月邑人柳塘魏培樾謹序

凡例

- 一 方志之作要在綱舉目張茲依修志新例先立五大綱曰圖曰畧曰傳曰表曰考網之外復各分列條目計圖二畧八傳五表三考七庶觀者開卷可以了然
- 一 新志上承舊志從事廣續凡舊志所載事實概不更易一字仍舊付印至此次所編新志因職官之裁設戶口之增減前清民國均有變更故就新定官制近查數目分別登記務期歸於翔實
- 一 舊志之後有續志若續而又續似易涉於含混特將續志所載融彙於篇以免一再割裂之弊
- 一 人文故實之詳於舊志者不復抄錄所以避蹈襲而免復沓也然以遵從新例重行編輯如疆域物產等畧沿革古蹟等考歷久而無大變遷者不得不擇錄舊志以充篇幅閱者幸加察焉
- 一 續志於光緒丁丑賑荒之往復文札紀載特備連篇累牘致占全部之半喧賓奪主頗乖志乘體制今就其有關係者節錄大畧其餘一併刪去以副汰蕪刪冗之旨

武鄉新志 卷首序

六

旨

- 一 志非圖不明必精測詳繪方能使身歷者按圖不爽神遊者披帙若親新例方里城郭山脈河道須各自爲圖而近日各縣修志者多以一詳圖及城郭圖冠首於篇首其餘不復分繪茲從其多數先例以節篇幅而便觀覽
- 一 鄉約驛站學署書院禮器樂章俱屬明日黃花然興革損益皆考古者之所必研究茲於各畧各考中撮其大畧以示來茲俾免知今而不知古之憾
- 一 開渠引水之事新防故堰之所新例宜載良以水旱之在天者雖不可必而預防之關乎人力者宜無不備也新頒修志凡例特標溝洫畧一目意蓋在是惟武鄉山高水急無水利之可言甚且陽侯一怒良沃成墟捍患有心彌害之術而城西南百餘丈之石堤亦已漸圯漸湮無可紀述故於溝洫一畧姑付闕如附錄簡端聊以識憾

- 一 賦稅正供關係國計民生至爲重要或增或減不容少紊第以晚清案卷失落稽考維難茲謹依舊志及近年清查財政各卷冊縷載原額折合銀洋行分高下立

- 綱注目庶民衆可洞悉全邑財政狀況以符公開之義而免浮收之弊
- 一 婚喪新儀尙未頒定茲姑就見於鄰近各縣者附錄數條於禮俗畧鄉儀之後以見一斑斟酌而變通之是在邑人之仿行者
- 一 士農工商有分利之不同茲於生業畧中紀載農工商各業而不及士類藉以喚起民衆趨重實業之觀念
- 一 沁州志進士吳止日名宦以歲久見思爲定近年循良姑俟將來今從其例以免好名者喜人頌揚聞風者多方藻飾之弊
- 一 名賢文儒概本三輔決錄序所謂其人既往行乃可述之義生存者暫列割愛非徒弭阿諛之嫌亦所以勵進德而重晚節也
- 一 邑志異於家乘世之表揚其祖父於家乘者恒稱爲某公或某君志則一邑之公史不論有爵無爵均可稱名無稱公稱君之例邑舊志高中舍已論之甚詳今仍從其例
- 一 節烈之表揚所以正風俗而端教化自宜闡發幽光以保國粹茲不論已故現存

武鄉新志

卷首序

七

但合於功令女子年三十內守節至五十外無過者悉爲載入從各郡邑志之例也中壘列女傳首母儀次賢明良以婦人之德原非盡在節烈今士女傳並列賢婦義蓋本此

- 一 選舉表以其代年爲先後埋也惟冒武例貢封蔭等以年湮代遠殊難確定其先後而民國以來畢業於各校者亦未及詳稽其年月錯綜紛列不免前後顛倒之弊閱者諒之

- 一 橋梁道路關水陸之交通舊志詳橋梁而畧道路於義似有未協今於營建考內特分別幹路支路詳爲紀載以符 孫中山先生行與衣食住並重之旨

- 一 金石考鐘鼎與碑碣並重武邑僻處山陬鐘鼎絕鮮而豐碑巨碣則所在多有茲廣搜博採一一羅列並詳錄原文不敢意爲去取寧失之濫毋失之刻所以存文獻而資考証也

- 一 武雖壤地褊小而在昔名人輩出著述頗夥惟其存亡闕佚未能確考茲僅搜列原著名稱聊以塞責博雅君子有以增補而教正之實爲幸甚

一 藝文謹依修志新例不另闢門類有關於諸志諸考者仿范成大吳郡志例散列於各志各考之中其餘一併附入叢考並準先儒選文之例其人現存者概不登載以昭慎重若異邑名流而志武之故實者又當別論

一 星野分度非甘石家難以推測不爽描寫風景而好事者每多點綴失實故舊日各邑志所習見者如荷署八景等圖星野怪異等志或華誕而無用或荒渺而難稽茲一併從缺庶免拘古而不知變通之謂

一 著書選文最易招尤斯役採訪綴拾之勞雖屬之邑紳而綜核名實則責無旁貸其難其慎但求無愧於心知我罪我自宜付諸輿論

垣曲耀銘甫手訂

武鄉新志目錄

卷首

叙文

凡例

續志修纂姓氏

新志修纂姓氏

圖考

卷一

疆域略 袤廣 里鎮 市集 鄉約 山川 關隘

區村略

賦稅略 田賦 稅捐 縣地方公款 倉儲

丁役略 戶口 徭銀 驛站

禮俗略 鄉儀 節序

武鄉新志 卷首 目錄

一

生業略

物產略

兵防略 巡警 武器

名宦傳

名賢傳

文儒傳

卷二

孝義傳

士女傳 烈女 烈婦 節婦 賢婦

官師表

選舉表 附褒揚表 議員表

學校表

卷三

沿革考

營建考 城池 街坊 縣署 局所 橋梁 廟宇 道路 堡寨 郵電

金石考

卷四

古蹟考

著述考

舊聞考 災祥 兵火 禮器 樂章

叢考 雜記 續志序目 橋寓 仙釋 寺觀 方技 藝文

武鄉新志

卷首 目錄

續志修纂姓氏

監修

同知銜知武鄉縣事調補介休縣

吳匡

纂修

儒學教諭保舉卓異推陞澤州府教授壬子科舉人

鈕增堯

參閱

署武鄉縣教諭

王元綬

典史在任候選布政司經歷

姚宇濬

督刊

權店營把總

暢珠

城守營外委把總

杜永勝

分修

知州銜太谷縣訓導壬戌大挑一等甲辰科舉人

籍文學

武鄉新志

卷首

姓氏

三

馬邑鄉學訓導乙卯科舉人

史紀

丁卯科舉人

李秀良

廩膳生

籍修學

增廣生

李承恩

校對

兵部郎中職方司行走附貢生

段曉雲

刑部員外郎廣東司行走廩貢生

陳祝山

光祿寺署正銜候選訓導歲貢生

陳祝眉

恩貢生

馮賡

恩貢生

趙懔

歲貢生

郝承祖

歲貢生

武同宗

歲貢生

安效先

歲

探訪

貢

生

張惟寅

附

學

生

員

張元翰

附

學

生

員

范象乾

儒

白友三

儒

魏連元

總理

士

士

光

祿

寺

署

正

銜

附

貢

生

范名夏

武鄉新志

卷首

姓氏

四

武鄉新志修纂姓氏

督修

陸軍營務處銜代理武鄉縣縣長耀銘張揚祚
編輯

編輯

例清授直隸州州判儒學教諭恩貢邑人季貞郝世楨

山西大學校西學專齋畢業第四師範學校教務主任邑人柳塘魏培樾

山西大學校第一類高等科畢業武鄉縣農會會長邑人左箴郝新銘

清例授文林郎揀選知縣庚戌科舉人邑人芳卿郝瑞聯

武鄉縣立師範學校主任清優級師範畢業舉人欽加中書科中書銜邑人子良郝葆初

山西大學校中齋畢業本縣第一高小校教員邑人樸昌趙克繁

清拔貢前本縣自治事務所所長邑人雲衢馮高翔

山西大學中齋畢業省立第四中學校教員邑人輔之杜相唐

武鄉新志

卷首 姓氏

五

校對

清監生地方自治講習所畢業學員邑人蘭亭程世芳

北京陸軍第一中學堂畢業邑人訓畚趙書田

山西省立第四師範學校本科畢業現充武鄉縣立第一高小校校長邑人子恆李永昌

採訪 兼校對

二等寶笈章省公署存記區行政長邑人秀臣郝鐘銘

山西省立第四師範學校本科畢業現充武鄉縣立女子高級小學校校長邑人丹初范希雲

山西高等農林學堂畢業武鄉縣乙種農業學校主任教員邑人平歧王政

山西法政專門學校商學本科畢業武鄉縣第二高等小學校校長邑人峻山趙晉傑

前清縣立第一高等小學畢業廩生邑人子瑞李鳴鳳

前本邑第三區模範示教邑人耀堂張映璧

山西第一中學校修業邑人筱彭李祖壽

前清廩貢生前本縣縣議會議員邑人契仙郝鸞書

前 清 附 生 邑 人 久 青 崔 夢 松

繪圖

山西陸軍測量專門學校畢業陸軍測量局課員邑人培業 鞏德基
陸軍部藝士山西測量局一等科員優貢邑人喬卿 郝瑞雲
總理兼督印

山西法政專門學校政治經濟科畢業陽城縣第四區行政長兼警佐邑人筱山 魏培桂

協理

清 監 生 現 充 武 鄉 縣 商 會 會 長 邑 人 德 興 張 式 銘

繕寫

清 國 學 生 省 立 自 治 講 習 所 畢 業 學 員 邑 人 駕 航 程 渡 瀛

前 直 隸 欒 城 縣 公 署 稽 核 員 邑 人 乾 三 李 泰

山 西 第 一 甲 種 農 業 學 校 畢 業 邑 人 龍 如 程 開 驊

民國十七年

編纂圖

喬卿郝瑞雲題



丹圖錄字書契開先圖與書恆相因而弗相離蓋窮理者須先觀象紀事者常兼繪形也武志舊以五圖冠首第當時測繪未精頗多訛漏今從新法審測詳繪於方里山脈河道城郭區村歷寫於左用便觀覽言念古人每懷靡及或此一端之長猶有過於前人者歎作各圖